

Beat: Tron  
Text: Pyro  
Additional Guitar: Magor Szylagyi  
Cuts: Dr.Aux

Gwüssi Sache ändre rasch - uf eimol wändet sich s Blatt  
und du läbsch das was de friehner nie hätsch dänggt dass es passt  
irgendwie isch alles anders - anders as erwartet hesch  
so viel well usprobiere - Hüt haltsch an dr Erfahrig fescht  
du gsehsch d Wält mit andre Auge as vo paar Johr  
und was friehner exklusiv isch gsy das kunt dr hüt normal vor  
Dr erschti Job und ...dr erschti Zahltag  
dis erschte mol, di erschti Wohnig irgendwo am Stadtrand  
din erschte Partner - erscht Liebi, erschti Trennig  
dis erschte mol verarscht ellai am flenne in di Deggi  
alli die Momänt wo gmeint hesch das dis Läbe kai Sinn macht  
Und dr Schmäz hesch versuecht go z ertränke in dr Wirtschaft  
.. mänges het sich agfühlt wie s Ändi vo dr Wält  
dr Verlust vo guete Mensche und e Teil wo in dr fählt  
Und trotz all däm hesch du glehrt dini Schatte z'überwinde  
um Stück wiit widr d'Richtig uf dim Pfad zum Glügg z'finde

Es kunt nid immer wiemes dänggt! (DJ Cuts)

Dini Asprüch hän sich gändret - und d Ärde het sich wiitdreit  
Spontanität wiicht em Verlange nach dr Sicherheit  
E Stück wiit hesch di apasst nüm so „Viva la Resistance“  
Drfür vermiidsch drmit viel Problem und Stress mit em Staat  
Zwar immer no e Kämpfer aber wenigstens Waiser  
Vrsuech nüm vo Grund uf d'Wält z verändere – nur no mich sälber  
Fründe hän sich gändret mänges Striit het si zu Gegner gmacht  
Und Gegner hän sich gwandelt zum Typ Mensch wo de hüt schätze kaschh  
Wenig isch so worde wie erwartet aber vieles het sich eifach ergäh  
mängi Problem vo damals sin hüt Meile entfärnt  
Im Läbe kasch nit alles plane das isch sicher wie Safe  
au wen die ganzi Gsellschaft nachre Versicherig schreit  
empfind dr Muet zu dr Veränderig nit as Kapitulation und gang din eigene Wäg  
keini halbe Sache - kaini Kompromiss und das um jede Priis  
kai Angscht vor Akzeptanz und gseh dr ganz Daag nüm so negativ